

DISSERTATIO PHYSICA,
INAUGURALIS,

8

DE

V I S U.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

JONATHAN DUDLEY,
HIBERNUS,

Ad diem 12. Septembris, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXXIII.

ESTC

Viro spectatissimo,

RICHARDO SHACKLETON,

Omnibus, quae virum et civem exornant,

Virtutibus insignito,

Non magis summa eruditione,

Quam mira morum suavitate,

Conspicuo ;

Hocce tentamen

Sacrum esse

Vult

A U C T O R.

THE UNIVERSITY OF CHICAGO
LIBRARY

1000 S. EAST ASIAN AVENUE
CHICAGO, ILL. 60607

1000 S. EAST ASIAN AVENUE
CHICAGO, ILL. 60607

1000 S. EAST ASIAN AVENUE
CHICAGO, ILL. 60607
1000 S. EAST ASIAN AVENUE
CHICAGO, ILL. 60607
1000 S. EAST ASIAN AVENUE
CHICAGO, ILL. 60607
1000 S. EAST ASIAN AVENUE
CHICAGO, ILL. 60607

1000 S. EAST ASIAN AVENUE
CHICAGO, ILL. 60607
1000 S. EAST ASIAN AVENUE
CHICAGO, ILL. 60607
1000 S. EAST ASIAN AVENUE
CHICAGO, ILL. 60607
1000 S. EAST ASIAN AVENUE
CHICAGO, ILL. 60607

DISSERTATIO PHYSICA

INAUGURALIS,

DE

V I S U.

DUM sedulo contemplamur organa quibus natura instruimur ad recipiendas, animoque transmittendas, et similitudines et qualitates circumstantium corporum, quae non modo ad vitam sustinendam servandamque conferunt, verum etiam omnibus pene voluptatibus originem praestant; dum, inquam, haec menti revolvimus, non possumus quin mira sensuum ad diversas materie proprietates percipiendas, varietate confestim capiamur; sensuum
A quippe

quippe ope acquiruntur et parantur corpora ad existentiam prorsus necessaria, quorum nonnulla ita disponi queunt, ut plurima, immo etiam maxima, exinde defluant delectamenta.

Nulli sensuum, nec a philosopho nec a medico, posthabendus est visus; curiosa organi, oculi nempe, structura, mirumque quo perficitur medium, prioris semper attentionem moverunt; neque posterioris omnino indignus erit, modo attendat quanti sit in vita momenti, quotque obnoxius sit morbis. Multo plura quam reliqui sensus complectitur visus objecta, inque rudi societatis statu, quum homines multum sibi, parum communitati, confidunt, prae caeteris maxime est necessarius; et etiam in excultis urbanitatis coetibus, ubi doctes internae externis antehabentur, ac ubi abolito visui aliae suffectae sunt voluptates, attamen fons habendus est summae oblectationis; nam, ipso deficiente, defunt et venustatis lenocinia, ac potentissimum ad gratissimas sensationes incitamentum, nullaque
mirabilis

mirabilis naturae ordinis efformari posset idea. Artibus ac studiis colendis praecipue infervit visus, humanamque naturam praestantiorē reddit; unde fit quod eruditi, tanto caeteris hominibus, quanto indocti caeteris animalibus, praestant.

Priusquam tractandus suscipiatur visus, quaedam de fluido, quo mediante, ipsius persolvuntur munera, praemittantur necesse; nec in natura quid productis phaenomenis mirabilius cernitur.

S E C T. I.

De Lumine quaedam.

Lumen est fluidum subtile aethereum, in omnes partes emissum e corpore luminoso, componiturque ex partibus adeo minutis, ut corpora caeteris fluidis impervia facile ingrediatur; et quidem nonnulla phaenomena suadere viderentur, ipsum materia destitui;

desitui ; nam tanta gaudet tenuitate, ut per acus ocellum possis immensum illud Dei incogniti templum dimidium adspicere, et radii a tot solibus ad distantiam nullis exponendam numeris remotis, adeo infinite pene magnis, in orbem advenientes, absque ullo incommodo, aut confusione ulla, possint per tantillum, decima parte lineae non majus, foramen transire ; ipsius etiam velocitas intellectu haud facilior, quippe quae sufficiat ad 90,000,000 miliarium (spatium scilicet Sole n inter et terram) percurrendum intra octo minut. cum quadrante.

Sol fons est praecipuus luminis corpori nostro ; res autem variae in variis circumstantiis ipsum producere possunt. Corpora omnia, cuidam exposita caloris gradui, emittunt lumen secundum acquisiti caloris proportionem ; talis vero cum caloris subsequente et celeri dissipatione desinit effectus. Verum invenire est substantias inflammabiles dictas, quae et lumen et calorem, sese dissipando ac consumendo, producant ; tales absentis Solis vices gerunt, quippe quae et
tenebras

tenebras efficiunt tolerandas, Solisque absentiam vix lugendam reddunt. Lumen in lineis rectis transmittitur ; quumque in corpora reflectionis capacia incidit, tunc reflectionis angulus incidentiae angulum aequat ; at, quod maxime hic observandum venit, et a quo potissimum pendet visus, est luminis refrangibilitas. Si radius per quodvis medium transiens perpendiculariter incidat in diversae densitatis medium, in linea recta tunc transmittetur ; sed, si obliqua sit ejus directio, refrangetur aut inclinabitur a pristina directione, accedetque ad perpendicularem superficiei novi medii per punctum incidentiae transeuntem, directionem, vel ab ea recedet, eoque major erit hicce effectus quo major incidentiae obliquitas, mediorumque densitatis disparitas. At hic animadvertatur, eo plures transmitti radios, quo magis ad perpendicularem accedat incidentia ; et insuper, si angulus inclinationis gradus quadraginta excedat, tunc radii reflectuntur absque ulla transmissione. Maxime quidem notabile
exem-

exemplum refractionis adest in recto baculo, v. g. in aquam oblique immisso, quod curvum et etiam fractum ad superficiem aquae videtur; hincque semper fallimur quoad aquae profunditatem, ac situm in fundo corporum, quae semper altiora quam revera sunt apparent; haec quoque est ratio cur coelestia corpora, dum infra horizon-tem sunt, visibilia evadant; est quoque causa cur, occidente Sole, tenebris penitus non tegamur, siquidem lumen, e rariore aethere in densiorem atmosphaeram transiens, versus terrae superficiem refrangitur. Mediorum pellucidorum refrangens vis proportionem fere dicit eorum densitati; hoc tamen excepto, quod ea quae plus principii inflammabilis contineant, potentius etiam refrangunt. Evidens erit, ex praedicta refractionis lege, radios parallelos, quum in medium majoris densitatis, cujus superficies convexa sit, incidunt, ad perpendicularem inclinandos esse, et versus locum, focum nempe conversuros; hinc si vitrea quaedam lens ita collocetur, ut recipiat radios

dios

dios e quocunque corpore emanantes, pen-
cilla quibus conflantur ad focos convergen-
tia pone lentem, ibi pulcherrimam et di-
stinctam, quamvis inversam, corporis a quo
transmittuntur, depingent imaginem.

Lumen non est fluidum homogeneous, sed conflatur e partibus oculum diverse af-
ficientibus; et hinc coloris origo. Cuncti
radii colorati, quodam immutabili refran-
gibilitatis gradu, inter se admodum discre-
pante, gaudent; hinc, quum aptum instru-
mentum, ut vitreum prisma, jubar recipit, ob
diversam refractionem, primarios sequenti
ordine exhibebit colores; violaceum, in-
dicum, caeruleum, viridem, flavum, auran-
tium, rubrum; ex quibus ruber est minime,
violaceus autem maxime refrangibilis, cae-
terique eo magis aut minus, quo binis hisce
magis aut minus, affines sint. Cum corporis
superficies plures unius generis particulas
reflectit, absorptis et extinctis plurimis a-
liis, tunc ejus erit coloris, cujus plurimae
reflectuntur partes. Notatu dignum est, co-
loribus hisce refractione separatis, extrema
ad

ad tantam distantiam a sese invicem dimoveri, ut totum interpositum spatium eodem precise modo dividatur, ac harmonica chorda ad diversos diopasi tonos exprimendos. Ex mistura horum omnium diverse coloratorum radiorum, in ea proportionem, qua spatium sic divisum superintegunt, oritur albedo, luminisque absentia nigredinem constituit.

S E C T. II.

De Oculo.

In oculo delineando eas tantum partes quae visioni magis immediate subserviunt describendas suscipiam; quia accurata complexi hujus organi idea, solis verbis, absque figuris, vix enasci potest. Oculus praeter summam utilitatem, etiam maximam faciei expressionem impertit, animi affectus indicat et depingit, ac menti, ut quidam auctor nitide observat, magis videtur proprius,

prius quam ullum aliud organum ; omnium animi commotionum fit particeps, prout laetitia, amore, ira, aut indignatione, gignuntur. In homine, oculi sibi propiores sunt quam in ullo alio animali, quo fit ut objecta ad exiguam distantiam posita, ab utroque oculo multo clarius percipiantur ; animalia quibus visus magis diffusus necessarius evadit, oculis et magis prominentibus et magis a sese distantibus instruuntur. Oculi humani figura sphaerica est, in parte anteriore comprimitur, ac longitudo latitudinem superat ; collocatur in cava ossæ orbicula qua optime munitur. Cum cavitas haec ipso oculo sit multo major, mollis adeps residuum occupat, motum liberiores redditurus. Tunicae variae oculum praecingunt, quarum extera, tunica conjunctiva audit, estque cutis palpebrarum productio, quae reflectitur, anterioremque oculi partem obtegit, impeditque quo minus extraneæ corpora orbiculam ingrediantur, ac oculo noceant ; huic proxima est sclerotica, quae figura fere sphaerica gaudet ; verum in parte

antere observatur defectus, instar circuli, cui adhaeret portio minoris ac magis convexae sphaerae, quae cornea audit; haec omnino transparens est, pars quippe est qua lumen ingreditur oculum. Portio posterior munitur tunica choroidaea, quae, postquam corneae initium attigerit, circulariter deflectitur ad marginem formandum, viz. orbiculum ciliarem; foramen circulare in medio pupilla vocatur. Marginis pars anterior, quae in variis hominibus coloris varietatum sedes est, iris dicitur; posterior ob colorem uvea nuncupatur. In iride, fibrae musculares nunquam demonstratae fuere, quamvis gaudeat contractionis et dilatationis vi ingente, quarum prior in objectis luminosis, aut juxta nos positis, inspicendis exercetur, altera in obscuris aut remotis contemplandis utimur. Uveae parte posteriore et circumferentia exoriuntur densae quaedam virgae, leviter junctae, quae choroidaea tunica abcedentes, perforati instar annuli, vitreum humorem supersternunt, capsulamque lentis crystallinae tangunt, ip-
fi

si vero, minime adhaerent, ac ligamenta ciliaria appellantur.

Interna tunicae choroideae, uveae, ac ligamentorum ciliarium superficies, nigra ac mucosa substantia, pigmentum nigrum dicta, tegitur; hujusque in homine evidens usus est, superfluos extinguere radios, qui visum et confusum et indistinctum efficerent. Pulchra autem ac nervosa expansio, Retina dicta, visionis sedes immediata est. Nervi optici cerebro oriundi directe ad oculum ejusdem lateris minime procedunt, sed coalent ac decussant, ita ut utriusque nervi fibrae intermisceantur, quo fit ut nervus oculi axem non fubeat, sed ad nasum magis accedit, quo in loco luminis impressioni insensibilis evadit, ob rationes mox referendas. Nervi hujus tenuis medulla est retina, quae expanditur super vitrei humoris superficie usque ad lentem chrySTALLINAM, quam vero non obtegit, ut nonnulli hallucinati fuere. Intra has tunicas includuntur tres substantiae transparentes, humores dictae, quarum postrema et longe maxima Vitreus Humor dicitur,

dicatur, in pellucida continetur capsula, ac ovi albumen spissitate aequat, totam posteriorem oculi partem occupat, retinam sustentat, eamque ad aequam a lente crystallina distantiam retinet. In parte anteriore, precise ex adverso pupillae, profunda observatur depressio orbicularis, in qua proximus et minimus collocatur humor, viz. lens crystallina, cujus figura duas repraesentat inaequalium sphaerarum portiones, quarum posterior minor est et magis convexa. Lentis convexitas major est in infantibus ac myopibus; sed in senioribus minor evadit, talemque excessum defectumve visus praecipua esse vitia e dicendis patebit. Soliditate caeteris humoribus longe praestat, ipsiusque structura similitudinem exprimit, concentricarum laminarum sibi succedentium, quarum intimae multo magis cohaerent, ita ut lentis densitas, ac proinde vires refrangentes, gradatim crescat a superficie ad centrum, quod, cum nonnullis aliis referendis, mirabili inservit fini. Denique, exiguum illud uveam inter et crystallinam lentem,

lentem, majusque quod iridem inter et corneam intercedit spatium, quod oculi thalami audit; impletur limpido fluido, aqueo nempe humore, qui a thalamorum arteriis exhalatur, et ita quidem cito, ut aliquando intra paucas horas suppleatur, quum per puncturam in cornea abiisset.

Multae aliae sunt partes circa oculum collocatae, quae ipsi, ac etiam visui, modo secundo suberviunt. Supercilia non modo ab extraneis corporibus muniunt, verum etiam, cum deprimuntur, excludendae luminis magnae portioni inserviunt, et hinc utilia evadunt, dum corpus intense luminosum, ut Solem, respicimus. Palpebrae oculum adhuc magis immediate tuentur, ac coarctatae lumen fere prorsus excludunt; cilia etiam utilia nuncupanda, si quidem luminis intensiorem minuunt. Ne pulvis et caetera, quae aëri innatant, corneam infuscent, impedit glandula, in parte superiore orbis oculi sita, quae tenue salinum fluidum diffundit, lachrymas scilicet, quae corneam abluunt, ejusque superficiei applicantur

tur perpetua palpebrarum attritu ; lachrymae superfluae in nasum invehuntur proprio ductu, sito in interiore ac magis dependente oculi angulo. Utpote rapidus et extensus motus ad visum requiruntur, sic invenimus organum hoc rebus omnibus quae tali fini inservire possunt ornatum atque instructum, puta, figura circulari, majore nervorum numero et etiam musculorum ; horum quippe sex in unoquoque oculo numerantur, quorum quatuor recti dicti circulo inferuntur, in sclerotica prope corneam, ususque eorum ex insertione colligitur, viz. oculum attollere, deprimere, vel ad alterutrum latus vertere. Obliqui motus oculi perficiuntur actione duorum rectorum, aut absolvuntur duobus aliis musculis, obliquis nempe, quorum directio ac insertio obliquae sunt.

S E C T.

S E C T. III.

Videndi Methodus.

Radiatorum pencilla, quae semper emanant aut reflectuntur ab omni puncto corporis lucidi aut illuminati, et quae, modo veniunt a modica distantia, haberi possunt ut parallella, aut leviter divergentia; talia, inquam, pencilla ex aëre decidentia in densiorem et pellucidam corneam, ob hujus convexitatem, versus perpendicularem refranguntur, et lenti crySTALLINAE transmittuntur parallella, aut parum convergentia; radii autem, qui in corneam incidunt ad angulum 40 gradus excedentem, visus sedem attingere nequeunt; quoniam vel reflectuntur ad superficiem corneae, vel post ingressum extinguuntur uvea aut pigmento nigro quod processus ciliares munit, ita ut hi tantummodo radii ad lentem perveniant, qui corneam

neam ingrediuntur ad angulum circiter 28 graduum; illi vero excluduntur quorum obliquitas impedimento est, quo minus cum caeteris ad focus convergant; hinc igitur confusa fuerit imago. Ex maiore lentis densitate, radii adeo refrangentur, ut focus attingant ad posteriorem superficiem vitrei humoris, ob cuius minorem densitatem, eorum directio parum mutabitur, et in contigua retina veram perfectamque, corporum unde eveniunt, imaginem depingent. Objectorum super retina situs necessario invertitur, ob radiorum in pupilla decussationem; nam, quoniam omnes radii a diversis objectorum punctis oriundi, pupillam ingredi nequeunt, eodem quem antea habebant situ et modo, nisi pupilla talia objecta magnitudine aequasset; et quoniam radii omnes, ab his diversis punctis, tanquam a diversis centris, emanant, pupilla igitur evadit totius objecti centrum, per quod radii a partibus inferioribus et superioribus transeunt in convergentibus directionibus, ita ut in centro decussent, et sic objecta po-
ni

ne inverſa repraeſentent. Nobis ſcrutanti-
bus oculi ejusque partium ſtructuram, om-
nia mirum in modum apparent apta ad
viſum perfectum et diſtinctum efficiendum ;
et imprimis retinae figura, quae ſphaerice
concava eſt, ita ut omnes partes ejus aequae
a centro oculi diſtent ; nam, ſi alia quaevis
fuiſſet figurae, unicum tantummodo punc-
tum, viz. lentis cryſtallinae focus, ubi pic-
tura diſtincta eſt, claram objecti impreſſio-
nem recipere potuiſſet, quoniam radii in
caeteras partes incidentes ſatis refracti haud
fuiſſent, aut per focos jam tranſiſſent, et ſic
divergentes evaſiſſent. Humorū varie-
tas ſuperflua forſan videri poſſet, quia for-
mandae in retina imagini unicus ſufficit ;
verum, quum radii lumen conſtituentes di-
verſo refrangibilitatis gradu gaudent, evi-
dens tunc evadit, quum medio convexo re-
franguntur, eos ſeparandos eſſe, et objecto-
rum imagines expreſſuros, in coloribus ad
ea minime attinentibus. Illuſtris autem vir
nuper detegit, conjunctione mediorum, di-
verſis denſitatibus et viribus refragentibus
gaudentium,

gaudentium, qualia in oculo cernuntur, huic effectui obviam iri; nam unius refractionis alterius refractionem adaequat, ac sic vera claraque objecti imago exhibetur. Uti radii ab objectis juxta nos positos provenientes multum divergunt, dum oculum ingrediuntur, radiique a remotis corporibus fere paralleli sunt, cumque utraque clara videamus; hinc patet oculum vi praeditum esse sese ad varias objectorum distantias adaptandi; modus autem quo hicce effectus producit, haud recte intelligitur; neque enim dici potest, contractionem ciliarium processuum tali effectui ortum praebere, lentem crystallinam a retina distrahendo, ac augendo ejus pressura corneae convexitatem; nam id vetat exigua eorum lenti adhaesio, eorumque structura, quae evidenter muscularis non est. Nec firmiore innititur fundamento hypothesis quae supponit oculi compressionem simultanea rectorum musculorum actione, (qua juxta nonnullos lens ad retinam magis accedit, et sic objecta remota clarius videntur); nam levis externa
pressura

pressura nedum talem producat effectum,
 quin potius visui nocet, nervum opticum
 comprimendo, et temporariam sic inducen-
 do caecitatem. Pupillae contractio, qua hi
 radii excluduntur, qui nimis divergendo vim
 convergentem humorum superarint, hujus
 effectus evidentissime videtur causa; quo-
 niam contrahitur semper cum vicina objec-
 ta inspicimus, et dilatatur dum remota con-
 templamur; sed, re omni perpenſa, adhuc
 sub judice lis est. Quoniam necessarium
 fuit radios nullos retinam attingere, nisi pri-
 us apte fuissent refracti ab humoribus ad
 focos, hoc etiam cautum invenimus pig-
 mento nigro, quod internam superficiem
 munit, et superfluos radios extinguit, ac
 reflectionem a tunica choroidea ad retinam
 impedit, oculumque perfectam cameram ob-
 scuram reddit in homine et plurimis aliis
 animalibus. Sunt autem nonnulla quae noc-
 tu pascuntur aut praedantur, ac quibus acu-
 ta potius luminis perceptio, quam visio di-
 stincta, utilior est; in horum quibusdam, tu-
 nica choroidea lucida est, in aliis autem
 istius

istius est coloris qui melius conducit ad praedam aut cibum perspicendum. Corporum imagines in omni retinae parte depinguntur; at clare tantum videmus eam picturae partem, quae in centro repraesentatur; hinc cum corpora inspicimus, necessarius evadit perpetuus oculorum motus, ut centrum successive dirigatur versus radios ab omni diversa objecti parte provenientes. Verum unicus est retinae locus ubi insensibilis prorsus est, viz. ubi nervus opticus oculum ingreditur; familiare experimentum unicuique hoc illustrabit. Muro applicentur duae circulares chartae albae portiunculae, ad duorum pedum distantiam, et tunc quilibet stet contra chartam a laeva positam, ad distantiam decem pedum; claudat sinistrum oculum, ac constanter respiciat chartam a sinistra, invenietque chartam a dextra collocatam invisibilem evadere; nec hicce effectus obliquitati ejus quoad oculum ascribi potest; nam objecta remotiora et collateralia perspicere valemus. Hocce in causa fuit cur inventor arbitraretur,

tur,

tur, non retinam sed choroidem visus esse sedem, quia in puncto illo insensibili posterior deficit. Verum haec suppositio non modo analogiae contrariatur, sed etiam in re omni valde improbabilis est; nam choroides, etsi membrana maxime vascularis, paucissimis instruitur nervis; ita ut corporis imago in ea depicta, horumque ope percepta, continuitate careret, et sic interromperetur. Cum retina ubique continua est, et praeterea adhaeret vitreo humori, in statu ad exquisitarum et etiam nitidissimarum impressionum, ut luminis receptionem maxime aptato, in statu nempe tenerae medullae, quodque in caeteris organis minime obtinet, medii impressioni exponitur nuda, tunicis omnibus destituta. Causa cur in illa parte nervus insensibilis est videtur esse, quod tunicas nondum exuerat, nec statum tenerae medullae ad acutam sensationem necessarium adeptus est. Hinc quoque edocemur cur nervi insertio in oculi axe non sit, sed naso propior; nam in priore casu pars quaedam omnis objecti invisibilis utrique oculo

oculo foret ; verum ex obliqua insertione impossibile est radios e parte objecti uni oculo invisibili devenientes, in punctum insensibile alterius oculi eodem tempore incidere. - Res duae in visu observantur, quae amplam theoreticis segetem praebuere, quarum causae primo intuitu inexplicabiles videntur, viz. quo pacto mens erectam concipit imaginem quae inversa repraesentatur, et quomodo duae imagines, una scilicet in singulo oculo, simplicem producant perceptionem. Quoad priorem casum putavere nonnulli, revera nos objecta omnia, ineunte aetate, inversa videre, sed decursu temporis visus errores tactu corriguntur, et hinc oritur apta idearum associatio. Hoc autem evidenter falsum, quoniam videre est tenera animalia, ut volucres, &c. quae recto facultatum usu a partu fere fruuntur, alimentum quaerunt in proprio situ, quod certe efficere non valerent, si inversa apparuissent objecta ; et homines ipsi, ab ortu visu orbati, postquam oculorum aciem nacti fuissent, aequae distincte ac caeteris hoc in casu vident.

Probabilis

Probabilis videtur causa, immutabilem esse legem qua arbitramur omnia objecta visibilia esse in linea recta, transeunte ab illo retinae puncto, ubi imago depingitur per oculi centrum, et instinctu noscimus radium nullum incidere posse in partem inferiorem retinae, nisi a parte superiore objecti deveniat, et vice versa. Quod autem attinet ad simplicem visum ex duplici imagine, annotandum est, objecta tantummodo simplicia videri, cum eorum imagines in partes retinae convenientes incidunt; id est, cum objectum in puncto ubi oculorum axes, modo producti fuissent, sibi occurrerent, collocatum est; si autem vel intra vel extra illam distantiam positum fuerit, tunc duplex apparebit, et modo unus oculus e situ solito dimotus fuerit, ut vi externa, similis erit effectus; hinc patet, retinarum centra, et eas partes quae in utraque eundem quoad centrum situm tenent, inter se convenire dici posse, ita ut mens binas impressiones ut unam recipiat, et simplex semper objectum percipiat cujus imago respondentes retinarum

rum partes occupat. Haec oculi facultas simplex a duplici impressione objectum percipiendi cum altera connata, cujus rei probationes ex eodem fonte deducuntur. Sed convenientiae inter diversa retinarum puncta, usus videtur esse effectus, ut, cum oculus vi distortus fuerit, omnia objecta duplicia primo apparent, postea autem simplicia evadunt, praevalente etiam distortionem. Evidens est, nisi contrarium lege quadam cautum fuerit, punctum aliquod unius retinae occupari saepe posse imaginis parte diversa prorsus ab ea quae partem congruentem alterius retinae occupat, ita ut distincte neutrius impressio percipiat, sed confusa duplexque repraesentatio: Huic autem vitio obviam itur miro qui inter musculos utriusque oculi intercedit consensu; motus quippe semper similes et simultanei sunt, alter alterius motum comitatur, absque mentis consensu, et saepe quidem contra ejus imperium.

E plurimis, tum in conformatione, tum in oculorum dispositione, observandis, judicare

care fas est de magnitudine et distantia objectorum intra quosdam terminos. Apparens corporum magnitudo ab angulo visionis pendet, aut ab eorum in retina imagine. Quum igitur necessario ea proportionem crescunt qua appropinquant, idem objectum juxta oculum positum multo majus videbitur, quam cum fuerit remotius, ni nobis in fuisset facultas judicandi de objectorum distantia, et, experientia duce, perspectas habuissimus diversas corporum ad diversas distantias magnitudines: Cum autem aliquo pacto contingat, ut de distantia judicare non valeamus, semper quoad eam fallimur: Hinc innumerae fere emanant deceptiones, unicuique noctu iter facienti talia contigit observare, arbitrando se videre minima objecta, ut rubum, cum revera maxima, ut arbores, cernebant objecta. Quum enim noctis obscuritas impedit, quo minus de objecti distantia judicare possimus, alio quovis, quam depicta in retina imagine modo, quum etiam objectum prorsus ignoremus, si illud inspicimus ad 20 aut 30 ulna-

D

rum

rum distantiam, paucos tantum pedes altum, dum appropinquat, subito crescit ingensque evadit; quoniam ejus in retina imago perpetuo crescit, donec tangitur, cum statim falsam deponet molem, veramque induet: Hinc exoriuntur omnia ista horrenda spectra, monstraque, &c. quae, etsi plures contrarium affirmant, in credula hominum mente tantum existunt. Lucida objecta plerumque obscuris majora videntur, remanentibus eisdem et distantia et magnitudine; sic mons nive obrutus solito major apparet, et etiam cum hominum numerus eminus inspiciantur, juvante comburentis substantiae luce, puta ignis, gigantes videntur; luminis quippe quantitas e corpore ad oculum emissæ, utpote propinquitati proportionem dicens, ea quae a remotis transmittitur generatim obscura est. Verum, si haec objecta quovis modo vividiora evadunt, uti in praefatis exemplis, mens tunc ea aut majora aut propiora, aut ambo, forsan concipiet. Facultas de corporum distantia judicandi, solo usu acquiritur; siquidem
nulla

nulla in imagine distantiae diversitas deprehenditur, hominique oculis ab ortu capto, statim cum videre inceperit, omnia oculum tangere videntur, ut in caeteris sensibus accidit. Plurimae numerantur de corporum distantia judicandi methodi, quarum praecipua est, angulus ab utriusque oculi axibus factus, aut eorum ad sese inclinatio, quia semper variat cum objecti distantia, ut ejus imago in puncta retinarum convenientia incidat. Hujus rei usus exemplo elucidari potest: Si homo unum claudat oculum, et conetur satis rapide percutere extrema longi baculi parte, spatium ad aliquam distantiam rarissime quidem voti compos erit. Talibus obnoxii sunt deceptionibus qui oculo capiuntur, dum liquorem cyatho infundere aut candelam emungere tentant, aliaque id genus, cum necessaria evadit certa distantiae cognitio. Hicce defectus usu emendatur, nunquam perfecte corrigitur. Homo hisce vitiis laborans, reminiscendo quando iis primo obnoxius evasit, judicare potest de tempore quo ocu-

lo orbatuſ fuit, reſ a medico in morbis curandis haud ſpernenda. De diſtantiis judicandi methoduſ 120 pedes non excedit; quoniam ignoramus ullum diſcrimen, in angulo axium opticorum, ultra illam diſtantiã.

Ex magnitudine objectorum apparente, de eorum diſtantiã interdum judicatur; et hac ratione innixi, judicium de diſtantiã facile proferre poſſumus, modo vera objectorum magnitudo nobis cognita fuerit; ſi minus, diſtantiã æſtimandæ facultas non datur; e. g. ſit objectum familiare, veluti arbor, ad quamdam diſtantiã poſitum, ac certa quadam magnitudine præditum, ſi ab illo ad duplam diſtantiã recedam, ejusdem eſſe molis videbitur, etſi imago ſuper retina depicta dimidiã ſaltem ſui partem deperdiderit; nam a mente ratio diſtantiã habetur. Supputationes quas de diſtantiis inſtituimus, quibus limites imponunt reſ ingenti mole, uti urbes, montes excelfi, plerumque falſæ haberi debent; illas enim vicinioreſ eſſe ob molem exiſtimamus; e contra autem animalia, parvaque objecta, in vallis
bus

bus ac juxta montes perspecta, minima apparent, ex montium altitudine. De corporum mole, quotiescunque talem situm tenent, qualis nobis minime familiaris est, sive ponuntur sursum sive deorsum, judicium profertur ab imagine in retina depicta; et exinde concludimus, ea esse parva. Ex alta turre, miratur quis molem hominum, equorum, &c. exiguum, et eodem modo, res ad culmen turris evectae, eandem praeseferent speciem.

Claritas qua partes rerum minimae videntur maximam vim habet in distantissimis supputandis, cum objecta accuratius videantur, quo propinquiora fuerint; e. g. quando vaporibus densis onustus est aër, remota apparent omnia; sed, his dissipatis, viciniora esse existimantur.

De distantia objectorum vicinorum mens judicat ex mutatione oculi, conformatione cujuscunque generis fuerit; sed haec facultas brevibus spatiis limitatur, quoniam nulla mutatio obtineat in objecto lustrando, cum

ad

ad distantiam quarundam ulnarum remotum fuerit.

S E C T. IV.

De Visus vitiis quibusdam.

Nullus sensus tam vitiis et erroribus obnoxius est quam visus, quod non solum oritur ex modo quo ipse perficitur, sed etiam ex prava interdum partium quae visui inserviunt structura. Inter oculi vitia praefertim notari merentur Myopia et Praesbyopia. Myopia obtinet quotiuscunque punctum visionis distinctae (quod in sanis a 5 ad 7 pollices ponitur) valde parum ab oculo distat, et objecta non accurate videntur, nisi ad exiguam ab oculo distantiam posita fuerint; hoc malum saepissime pendet a corneae convexitate praeter solitum majori, quae in hominibus tali modo affectis observatu

vatu facilis est. Vitium haud raro originem ducit a nimia lentis crySTALLINAE convexitate, vel ex illius densitate nimia, vel denique a distantia lentis a retina solito majori. In omnibus his casibus, focus radiorum in retinam non incidet, sed ante illam efformabitur; et inde factum erit, quod radii a se multo divergant antequam ad punctum visionis pervenerint. Imago igitur objecti obscura et imperfecta evadet. Qui oculis in parvis objectis contemplandis utuntur, hoc vitio saepe tenentur; unde Myopia propria quodammodo gentibus cultis, et quae studia et artes foveant, observatur; rarum vero vitium hominibus barbaris et incultis. Huic remedio est lens concava vitrea, quae convexitatem corneae lentisve corrigit, et facit radios, antequam oculum ingressi fuerint, ita a se mutuo divergere, ut focus a lente magis distet, quo facilius imago super retina depingatur. Ad hunc morbum profligandum, objecta remota solummodo inspicere proderit, et a minutissimorum et propinquorum contemplatione omni cura abstinendum

abstinendum est. Hoc vitium interdum senectute levatur vel prorsus sanatur.— Senibus assiduum malum Presbyopia, qui, juventute florente, Myopia haud affecti fuerunt. Objecta remota in hoc malo magis, proxima minus, distincte videntur. Hujus affectus causa priori omnino contraria est, et convexitati oculi imminutae, vel illius humoribus copia deficientibus, vel distantia lentis crystallinae minori, vel denique omnibus his causis simul concurrentibus, ut senibus familiare est, jure ac merito referenda videtur. Cum radii ex objectis remotis provenientes fere paralleli sint, sufficit parva oculi convexitas, ut in focus colligantur; dum e contra radii a vicinis emanantes a se plurimum divergant, focus eorum, in oculo Presbyopis, pone retinam erit, unde imago imperfecta vel prorsus nulla. Quanam medela huic malo competat, in aprico erit dignoscere; convexitatem oculi imminutam compensabit lens convexa; lucis radios convergentes vel parallelos reddit, quo certius et melius ad focus suum

um supra retina deferantur, denique cum lens lucem ipsam resplendere faciat, vividior erit imago, et retinam plus afficiet, quae in presbyopibus parum sensilis est.

Addenda supersunt de visu plurima, de quibus verba facere non possumus; siquidem vel sola enumeratio debitos hujusmodi differtatiunculae fines excederet. Mihi concludenti liceat, famae minime avido, veniam pro tanta re suscipienda rogare, ut igitur infciae parcatur juventuti, etiam atque etiam oro ac obsecro.

F I N I S.

E R R A T A.

- Pag. 1. *pro menti lege mente.*
 9. *pro orbicula lege orbita.*
 14. *pro perpetua lege perpetuo.*
 17. *pro figurae lege figura.*
Ibid. *pro detegit lege detexit.*
 22. *pro caeteris lege caeteri.*
 32. *pro distantia lege distantiae.*

